



疇齋文稿







據中國國家圖書館藏稿本
影印



元張仲壽疇齋自書畫景

傳年元以款世題名入
內府賜歸詔書齋



此冊末等相備有勝齋自怡堂兩印與通雅序墨一印去元時物
 為後傳所天以知此物中府法身印記亦無二不真乃編徵必以籍如元結
 遂得其傳暇不形寫字訪碑錄其傳而書碑碣者十數種故及歲白
 中五華字記片勝齋正書又崇德真人記如書書而勝齋書也但細書楷
 字則絕無所聞勝齋本和法三筆一十七一此蓋六十九時作甘甫字一後為無種
 黃四字一毫習氣臨臨波日時而意所麻標標直接率更有鐫印勝齋印物移一上

葉翰書法石不稱其善如紙馬不稱



張仲壽字。號勝齋錢塘人官翰林學士承旨年長於和雪
 一歲思古書畫家有自怡軒有和雪之閣見元祐廷丙第七葉



鴛鴦閣



贈稼隱陳文

我欲學為儒山鳥恠我衣我欲學為吏或慮逢
鞭笞山林與市廛四顧非我宜君獨隱於稼高
蹈追樊遲即欲從君遊去買鋤與犂又恐禾登
塲縣官叩敝扉青鞋儻可著逍遙隨所之

癸卯元正試筆

條風煦承宇時物各自春幽人動玄感佳思相
與欣酌泉湏酌清飲酒湏飲醇閱世不明理空
慕得意人

我本得意者人不堪我憂妻子亦厭之日與蔬

布仇蔬布亦匪易不勤何從求豈無輕與肥道
異難為謀

送謝明遠學正

秋蘭抱幽貞所性在雅獨誰歟擷其英相親翫
芬馥几格諒可悅而頗類羈束終焉山林姿不
入餘子目懷哉返故丘永謝桃李俗

妾薄命

妾家古道傍自分同塵泥感君重一顧惠我羅
縑衣煌煌珠明璫照耀生身輝誓將堅秋霜事
君終不移世清等浮雲人事如奕棋蛾眉歛無
妬蓬首招群嗤中夜自展轉咲顰俱不宜君家
十二樓傾國羅前墀戀軒固耿耿執紼終栖栖
還君舊秦箏歸理麻苧機

和俞翠峯遊吾家故園韻解嘲

白露下枯草向來芴成堆陵谷有變遷潮汐亦
往來東溟豈不深清淺見蓬萊遊子昧消息悲
歌謔徘徊

射虎行上潘使君

莫射虎莫射虎弓矢有限虎無數昨朝白額方
就磔今晨老彪更孺怒腥風撼林林欲裂毒吻
無日無生血將軍飲羽藝絕倫閑狐直前非好
嗔生平負此射生手小欲救物大救人誓將掃
穴無噍類恨不與虎同日斃豈知虎本具良心
可以氣化非力致射虎毋諸兒紛紛散林藪射
虎兒種在還有孳生時一虎猶自可十虎將奈
何十虎不可支百虎我先疲前有馮婦後周處

至今耿耿尚如許君不見海南鰐魚更可畏來
一何由去何謂虎亦負子能渡河此事今人等
見戲

送漕運于萬戶

岱嵩萬古蟠英氣人物堂堂富才藝公才俊利
刺兕犀卓尔高門梁棟器少年宦海騰風雲所
至承宣號能吏筭班鳩立玉映人名姓
御屏親選記向來旌節照錢唐俗靡人奢古難
制明公按轡恩濟威尺箠不施稱極治良民老
不識刀劍翻見龔黃暗生愧政成聲聞達九霄
萬里龍驤煩處置神倉歲入數百萬帆鉅不踰
旬決至蕭何到晏亦太勞流馬木牛困機智天

關地闢缺東南正擬

皇元供國計梅花飛上書錦衣三載秩滿公言
歸卧轍攀轅涕簫鼓長年三老尤
中書奏

最放上爵享醴命宥歌燕詩入參黃閣議機政
記取霖雨蘇江涓書生老矣筆猶健尚能為公
重寫懷思碑

題雪月墨梅

花光去後梅無盡君復去後梅無詩羅浮千樹
自雪月幽人恨滿春風枝誰染龍香寄孤興見
此三絕交相輝飛瓊壓榦凍欲折金波射影光
陸離宛然坐我枯崖下夜深冽冽寒生衣筆端
形俱尚欲愛桃李雖真何足奇

送上海范縣丞

神州坤屯洩天和左右岱華中洪河瑰才磊磊
生鳴珂衣冠劍佩相憂摩鼻祖胷次兵甲多雲
仍氣宇猶番番妙年宦海陵風波所至襦袴騰
謠歌錫山勾稽刮煩苛糾錄奏最聞嘉禾雲間
賦重勞徵科割劈海縣蘇疲痾公來負丞絕鞭
訶伍伯斷影村落過下車登頰民輶軻自公退
食方委蛇疊歲滂暎紛札瘥公但撫問莫誰何
地隣鹵瀉公事魔煤檄襲積來頃俄如木節錯
豈恨柯利斧遊刃剗則長材剗撥無纖訛曹
史心拱甘么麼芹宮羣飛樂菁莪一振圮廢成
巍峩松齡從祀冠嵒嵒儼如曹邨佩玉儼爵區
鼎俎森象犧巨碣鐫勒名難磨三年烏兔飛天

板士民惜別淺滂沱芳醑歛盡更金盞當街遮
勸顏為醜踣跚耆宿攀驪騮童豎跳躑舞傴僂
旗亭笛鼓司龍鼉祝公奮迅毋蹉跎薰風拂拂
吹輕艫詩卷之外靡有他寅寮相顧無側頰羔
羊播詠皆絲絃生憎汚吏同膏蠟來則枵橐去
則駝老氓抱拙鬚鬚負嗜優游化雨露繭窩日隨
書蟬坐窮窠不得時听松邊哦念欲往附慚絲
蘿臨歧贈言難媿阿雲霄自合公婆婆安亡意測
海我已羸義方諸郎工切磋挺挺盡鍛文場戈
朝廷急士旁搜羅戔戔東帛來丘阿行看鷄薦
黷荷光被橋梓聯腰綯黷泥下照甘棠坡老
唯鈍當摩挲

苦寒不寐

荒郊迥窮陰寒飈震長宇凍土有裂紋叢林無
妍對擁衾如露宿展轉天向曙中夜百憂集匪
兒女故所憂窮簷民朝餐不謀暮紡績供縣
官布不蔽肘露安得天下春鼓腹皆含哺

見燈蛾有感

涸魚在深淵命或墮鉤餌爾獨何為者趨炎自
求斃豈不見飛蚊尋隙愛幽昧使其不噬人殺
一 無計想爾惡幽隱觀光動心志焦頭固似
勇亡命亦非智

硯銘

墨以善深而自銷水以善澤而自竭紙以善載

而自汙華以善記而自賊四者常汲汲於人而不保其朝夕夫豈若磨不磷涅不緇靜而有用而無悔者吾端溪之石蓋彼以功而茲以德惟其不即物而物自即之是以能坐閱四者之變易

破泚硯銘

伊泚之珎孰斷而剡日吐玄雲孰毀而殘補罅直漏斐几歲寒曠則布黥智勇未殫尚適於用庸求其完

裴潢者求裁尺銘

冶金而刃有銛其銛匪尺斯木孰焉取方左番右史其儀不忒輔相裁成好是正真

哭高煦菴哀辭

嗚呼哀哉前年哭趙明遠去年哭程芝庭今年又哭高煦菴何天降罰于我肺腑之戚若斯其甚耶君之學足以用世而厄於命君之文足以傳遠而困於時君之所已為者人或譽而或譏君之所未為者徒成是而敗非我頗頗君南北風枝病弗及見死弗及知平生嗜方乃斃於醫族子行喪亦理之宜解后一慟吉人已而有知無知庶其鑒之

山齋姪孫文

水北歿吾宗無顯人子又歿吾宗無文士豈特

文士而已哉枝葉零謝所恃以封植而滋澤
之者惟子

吾宗派別尚千百指問

歲過從吾昆仲耳奕棋丁丁談易壘壘向來一
見尚艱于履豈期斯疾竟尔弗起蘭死蕙傷有
淚如水雖然兵後故家何成不毀獨賢父子被
五福而歸全此又百中之一二克繼克承有子
有增光于前人死猶不死聞喪來哭靈其鑒止

祭天妃祝文

大元延祐七年歲次庚申 月 朔 日

具官某某等敢昭告于

天妃之神曰

國家由海道歲再餉于

京解纜之日必告于

神而徼福焉

神之祐助非一歲矣夏運卜吉庸以牲醴
式奉

明薦

神以體

為念海不揚波迅而善達豈惟計儲有賴
神亦無負

朝廷尊崇禱祠之意謹伸虔

告敢告

祭陽山龍王祝文

大元延祐七年歲次庚申 月 朔 日

具官某等敢昭告于

陽山龍王之神曰

聖天子嗣登

大寶誕頒

明詔令長吏擇日祭告于載祀典者維

神噓氣為雲

作霖潤物

宅湫陽阜

潛躍以時欽

命揭虔奉牲以

告謹告



